



## Ez yan Mihyo ?

**K  
E  
N  
E**

Wê rojê ez li çayxaneyê rûniştûbûm, di ber min re borî, çakêtek li serserî bû, yek jî li ser zenda wî bû ji bilî ku yek jî li ber bû, pêlava wî kitek neal bû û ya din jî kitepêlavek e diryayî bû , rih gevoz e, serê wî qijavij û cilkên wî bi givêşin devê marî wê req bibe, dibêjin di wextê xwe de lawekê medenî bû, cihêlekî lêkdayî û pir sipehî bû, peyvên wî şêrîn û dilvekerbûn, sihetên wî dilneêşbûn, rewşa hev-alan bû. Lê qedera wî wisa çêbû dema ku rejê mî bi xurtî biriyê serbaziye, ha li wir ampolek bo danan û rojgara wî gi-hande roja îro ku berdewam li ser cadeyan piyaseyê bike, qunka cikareyekê bi serê ya din ve pel dike, lê tiştê baslkêş li cem vî mirovî ewe çu caran pereya na xwaze tenê heger dilê wî diçe çayekê ew jî bi bin kaskê vedixwe, çu caran dilê kesî nahêle, kê mî diaxive. Ji ber van hemû taybetmendiyên xelkê bajêr pir jê hes dikin û nahêlin bimîne bê xwarin û cilik û cikare, nivistina wî jî li mala xwedê ye, her roj malek xwarina wî dabîn dike û bo dibine mizgeftê.

Dibêjin çend cûnên dînan hene û her kes di hebûna xwe de dîne, tenê nizane jimareya dînatîya wî çende, vêca ez jî nizanim ka ez yê dînim yan Mihyo, tenê cawaziya di navbera min û Mihyoyî de ew e, ew dizane hijmara wî çende, lê ez ya xwe nizanim, evên mîna min xelk li ser cadeya silav dikinê ji ber ku jimareya dînatîya wan peçînî û nepenîye, lê yê mîna Mihyoyî ku jimareya dînatîya wan bi pêlav û cilkan tê hember kirin xelk pûteyî pê nakin û bi çavê sivik lê dinerin.

Morîs Mîtirîng nivîserekî bi biniyad Belcîkî bû û bi-hitir ji 50 pirtûkan nivîsiye, du salên dawîya jiyê xwe li nexweşxaneyê dîna borandin, niha jî di mêjûyê de yek e ji nivîserên bilîmet û navdar, ez ne mirovekî saykolojînasim lê ez wisa hizir dikim ku Mihyo gelek ji min û yê mîna min bi aqiltir e û hind xwe bi dû jiyane ve nawestîne, çu caran behsê ratib û parçeya ardî û tirûmbêl û... htd nake.



*Salih Xazî*